

Luis Enrique Ibañezek irabazi du Iberdrola zientzia saria

Fisika teorikoari buruz egin dituen ikerketak nabarmendu dituzte

Atzo egin zen Toledon Iberdrola Zientzia eta Teknologia lehiaketako sari banaketa. Espainiako Estatu 15 unibertsitate eta ikerketa zentrotako 40 zientzialari ziren hautagai. Horien artean, Luis Enrique Ibañez fisikoa saritzea erabaki zuen epaimahaia.

Gorane Agirre / Toledo

LUIS ENRIQUE IBAÑEZ Madrilgo Unibertsitate Autonomoko Fisika Teorikoko katedradunak irabazi du aurtengo Iberdrola zientzia eta teknologia saria. Fisikari valentziarrak oinarritzko partikulen teoriaren esparru ezberdinak ikertzen ditu. «Mota honetako ekimen esoterikoak oso garrantzitsuak dira herri baten kultura eta sendotasun intelektuale-rako», adierazi zuen Ibañezek atzo, Toledon egin zen sari banaketan.

Ibañez duela 44 urte jaio zen Valentzian eta 1986tik Madrilgo Unibertsitate Autonomoko Fisika Teorikoko katedraduna da. Era berean, Oxford, Munich eta Parisko unibertsitateekin kolaboratzen du. Materiaren oinarritzko partikulen teoriaren alor ezberdinak ikertu ditu eta ikertzen dirau. Dena dela, ikerkuntza munduan oso ezaguna da teoria supersimetrikoaren alorrean egin dituen ekarpenengatik.

Ibañezek atzo adierazi zuenez, sari honen bidez, azken 20 urteetako Espainiako fisika teoriakoa saritzen da. «Fisika teorikoa gerra ostean abiatu zen ia eze-rezetik, eta ikertzaile askoren esfortzuari esker pixkanaka-pixkanaka loditzen joan den krema da. Egun Espainiako fisika teorikoa munduan abangoardiakoa ez bada ere, oso garrantzitsua da», azaldu zuen. Ildo beretik, sariak oinarritzko ikerkuntzaren garrantzia nabarmentzen duela azaldu zuen.


Materiaren azken osagaien ikerketan dihardu Ibañezek. «Duela ehun urte hasitako abentura intelektualtzat» jo zuen bere lana. «Ikerketa honi esker», gehitu zuen, «ondo ulertu ahal izango dugu materiaren egitura. Hala ere, oraindik gai asko ulergaitzak dira eta horretan dihardugu».

Ibañezek 75 artikulua baino gehiago kaleratu ditu zientzia aldizkarietan. 12 milioi pezetako saria emango dio Iberdrolak, eta, halaber, hark nahi duen pertsonari bi milioi pezetako beka. Fisikariak ez du oraindik erabaki nori emango dion dirulaguntza, baina edozelan ere, bere taldeko ikasleren bati emango diola iragarri du.

Aurtengo Iberdrola sarietan, Espainiako 15 ikerketa zentrotako 40 zientzialarik hartu dute parte. Sariaren bosgarren aldi honetako epaimahaia mundu zabaleko zientzialari ospetsuek osatu dute: Dudley Robert

Herschbach Kimikako Nobel sariak; Jean Mari P. Lehn eta Anthony Hewish, hurrenez hurren Kimikako eta Fisikako Nobel saridunek; George Basbas *Physical review Letters* aldizkari-

ko editoreak; Peter Golitz *Angewandte Chemie*-ko editoreak; eta Pedro Pascual de Sans, Ramon Y Cajal saridunak. Idazkari lanetan Jaime Etxebarria Iberdrolako zuzendariak jardun du. X



Toledon banatu zituzten atzo Iberdrola sariak.

EFE

AHOAN URTUKO ZAIZKIZU



ZAHOR S.A.

Carretera de Aránzazu - Apartado, 11
20560 OÑATI (Guipúzcoa) SPAIN

Teléfono: (943) 78 06 52*

Telex: 38.850 ZAHOR E

Fax: (943) 78 19 92